

«ҚазМұнайГаз» ҰК АҚ

(Сатушы)

және

[Сатып алушының атауы]

(Сатып алушы)

арасындағы

«Қазақ мұнай және газ институты» акционерлік қоғамының 100% акциялар пакетін

САТЫП АЛУ-САТУ ШАРТЫ

Осы «Қазақ мұнай және газ институты» акционерлік қоғамының 100% акциялар пакетін сатып алу-сату шарты 201__ жылғы «__» _____:

- (1) Қазақстан Республикасының заңнамасы бойынша құрылған, осы Шартта көрсетілген мекенжайда орналасқан, [Жарғының] негізінде іс-қимыл жасайтын [лауазымын көрсету] [атын көрсету] тұлғасында заңды тұлға «ҚазМұнайГаз» ұлттық компаниясы» акционерлік қоғамы (бұдан әрі – «Сатушы»); және
- (2) [●] заңнамасы бойынша құрылған, осы Шартта көрсетілген мекенжайда орналасқан, [Жарғының] негізінде іс-қимыл жасайтын [лауазымын көрсету] [атын көрсету] тұлғасында заңды тұлға [Сатып алушының атауы] (бұдан әрі – «Сатып алушы») арасында [сауда-саттық тәсілін көрсету] нысанында өткізілген сауда-саттықтың қорытындылары бойынша және шарттарында (2014ж. [●] №[●] сауда-саттықтың қорытындылары туралы хаттама) арасында жасалды,

бұдан әрі Сатып алушы мен Сатушы «Тараптар», ал жеке-жеке «Тарап» деп аталады.

- (А) Қазақстан Республикасы Үкіметінің 2014 жылғы 31 наурыздағы №280 қаулысымен «Қазақ мұнай және газ институты» акционерлік қоғамының 100% акциялар пакетін бәсекелік ортаға сатудың ұсынылғанын;
- (В) «Қазақ мұнай және газ институты» акционерлік қоғамының 100% акциялар пакетінің «Самұрық-Қазына» АҚ-қа меншік немесе сенімгерлік басқар құқығында тиесілі, 2014 жылы сатылуы тиіс, «Самұрық-Қазына» АҚ Басқармасының 2014 жылғы 24 шілдедегі шешімімен, №34/14 хаттама, бекітілген Активтер тізбесіне қосылғанын;
- (С) Сатушының «Қазақ мұнай және газ институты» акционерлік қоғамының 100% акциялар пакетінің меншік иесі екендігін;
- (D) Сатып алушының [сауда-саттық тәсілін көрсету] тәсілімен өткізілген сауда-саттық [сауда-саттықты ұйымдастырушыны көрсету] қорытындылары бойынша сауда-саттық жеңімпазы болғанын;
- (E) Сатушының сауда-саттық туралы хабарландыруға, сондай-ақ Сатып алушыны тиісті сауда-саттықтың жеңімпазы етіп белгілеу үшін негіз болған оның ұсынысына сәйкес келуі тиіс осы Шартта аталған талаптарда Акцияларды сатуға және Сатып алушыға беруге, ал Сатып алушының, өз кезегінде, Акцияларды Сатушыдан сатып алуға және қабылдауға ниет білдіргенін

НАЗАРҒА АЛА ОТЫРЫП,

Тараптар осымен мыналар туралы уағдаласты.

1. АЙҚЫНДАМАЛАР МЕН ТҮСІНІКТЕМЕЛЕР

1.1. Егер мәнмәтінде тікелей белгіленбесе, осы Шарттың мақсатында онда төменде көрсетілгендей бас әріппен қолданылған айқындалардың мағынадай мынадай:

«Кепілдік жарнасы» жеке немесе заңды тұлға электрондық конкурса қатысу үшін енгізетін Компанияның бастапқы бағасының 15% мөлшеріндегі ақшалай сома;

«Банк кепілдігі» жеке немесе заңды тұлғаларға электрондық конкурса қатысу үшін

берілетін банк кепілдігі. Сатып алушы банк кепілдігін берген жағдайда Сатушы электрондық конкурстың нәтижелері бойынша банк кепілдігінде көрсетілген ақша сомасын Сатып алу Бағасын төлеу үшін Сатушының есеп шотына аударғаны туралы тиісті жазбаша талапты банкке жібереді.

«Шарт»	барлық өзгерістерімен және толықтыруларымен осы Сатып алу-сату шарты, сондай-ақ оның ішінде оған қосымшалар;
«Ерекше шарттардың орындалуын қамтамасыз ету туралы шарт»	Сатып алушы, Сатушы мен Компания арасында осы Шартқа 1-қосымшаға сәйкес нысан бойынша жасалған үшжақты шарт;
«Акциялар»	«Қазақ мұнай және газ институты» акционерлік қоғамының 100% акциялар пакеті;
«Жабу»	Тараптардың осы Шарттың 7.2-тармағында көзделген Акцияларға құқығын беру бойынша іс-әрекеттері;
«Компания»	Қазақстан Республикасының заңнамасы бойынша заңды тұлға ретінде тіркелген, бизнес-сәйкестендіру нөмірі [●], мемлекеттік [қайта] тіркеу туралы [●] куәлігінің № [●], [●] мекенжайында орналасқан «Қазақ мұнай және газ институты» акционерлік қоғамы;
«Құпиялы ақпарат»	осы Шарттың 11.9-тармағында белгіленген ақпарат;
«Тұлға»	кез келген жеке немесе заңды тұлға (оларға берілген өкілеттіктер шеңберінде бақылау және қадағалау функцияларын жүзеге асыратын мемлекеттік органдарды есептемегенде);
«Сатып алу бағасы»	осы Шарттың Ошибка! Источник ссылки не найден. -тармағында белгіленген Акциялардың бағасы;
«Алдын ала шарттар»	Шарттың 5-тарауында жазылған және Жабу үшін оларды орындау шарт болып табылатын Жабудың алдын ала шарттары;
«Жұмыс күні»	Қазақстан Республикасында жұмыс істеу үшін әдетте ашық болатын екінші деңгейдегі банктер.

2. САТЫП АЛУ-САТУ ЖӘНЕ БЕРЕШЕКТІ ӨТЕУ

2.1. Сатып алу-сату

Осы Шарттың талаптарына сәйкес Сатушы ауыртпалығы жоқ, үшінші тұлғалардың талап-арыздарының мәні болып табылмайтын Акцияларды меншікке беруге, ал Сатып алушы осы Шарттың талаптарында Сатып алушыдан Акцияларды қабылдауға және ақысын төлеуге міндеттенеді. «Бағалы қағаздардың бірыңғай тіркеуші» АҚ

тізілімінде тиісті жазу жасалған сәттен бастап, Сатып алушыда Акцияларға меншік құқығы пайда болады.

2.2. Сатып алу бағасы

Акциялардың сатып алу бағасы, ҚҚС-ты есептегенде, [**сатып алу бағасының сомасы**] теңгеге тең («Сатып алу бағасы»).

2.3. Салықтар және өзге де міндетті төлемдер

Әрбір Тарап осы Шартты жасауына және орындауына байланысты ол Қазақстан Республикасының заңнамасына сәйкес төлеуі тиіс барлық салықтарды және бюджетке төленетін басқа да міндетті төлемдерді төлеу бойынша міндетті міндеттемелерді дербес орындайды.

2.4. Сатып алу бағасын төлеу тәртібі

Сатып алушы Алдын ала шарттарды орындағаннан кейін 15 күнтізбелік күн ішінде Сатып алу бағасын төлейді. Кепілдік жарнасы немесе Банк кепілдігі бойынша төлем Сатып алу бағасын төлеу есебіне есептеледі.

2.5. **Акцияларға меншік құқығын беру.** Акцияларға меншік құқығының берілуін ресімдеу Тараптардың Сатушының жеке шотынан Акцияларды есептен шығару/есепке алу бойынша ыңғайласпа бұйрықтарға қол қою және Сатып алушының жеке шотына Акцияларды есептеу және «Бағалы қағаздарды бірыңғай тіркеуші» АҚ-тан Акцияларды есептен шығару/есепке алу туралы есеп алу арқылы Сатып алу бағасы төлегеннен кейін 2 жұмыс күні ішінде жүзеге асырылады.

3. САТУШЫНЫҢ КЕПІЛДІКТЕРІ МЕН РАСТАУЫ

3.1. Сатушы осы Шартты жасау күніндегі жағдай бойынша және Жабу күніндегі жағдай бойынша жарамды болып табылатын кепілдіктер мен растауды Сатып алушының пайдасына береді.

3.2. Кепілдіктер бойынша міндеттемелер

3.2.1. Егер мұндай іс-әрекеттер немесе әрекетсіздік Сатушының қандай да бір болмасын кепілдігінің немесе растауының бұзылуына әкеп соқса немесе Жабу күніне дейін (қоса есептегенде) қандай да бір болмасын уақытта жаңылыстыратын болса, Сатушының кез келген іс-әрекет жасауға немесе жасаудан қалыс қалуға құқығы болмайды.

3.2.2. Сатушы Сатушының қандай да бір болмасын кепілдігінің немесе растауының бұзылуына әкеп соғатын немесе әкелуі мүмкін немесе Сатушының қандай да бір болмасын кепілдігіне немесе растауына сәйкес келмейтін немесе сәйкес келмей қалуы мүмкін кез келген мән-жай туралы барлық мәліметтерді осындай мән-жай туралы Сатушыға белгілі болғаннан кейін 3 (үш) Жұмыс күні ішінде Жабу күніне дейін (қоса есептегенде) Сатып алушыға (оның ішінде оның қызметкерлеріне, кеңесшілері мен өкілдеріне) жазбаша хабарлауға міндетті

3.2.3. Сатушының әрбір кепілдігі немесе растауы жеке және дербес болып табылады.

3.2.4. Тараптар Сатушының кепілдіктері мен растауын және Сатушының оларды беруін осы Шарттың елеулі талаптары, сондай-ақ Тараптар олардан туындай отырып, Сатып алу бағасы мен осы Шарттың өзге де талаптарын келісетін Сатушының

міндеттемелері деп есептейді. Сатушының кепілдіктері мен растауы бұзылған жағдайда Сатушы Сатып алушыға ол осындай бұзушылық нәтижесінде немесе оған байланысты көтерген барлық және кез келген залалды өтеуге міндетті.

3.3. Тіркеу және лайықты түрде орындау

3.3.1. Сатушы Қазақстан Республикасының заңнамасы бойынша лайықты түрде тіркелген және заңды жұмыс істейтін заңды тұлға болып табылады. Шарттың кіріспесінде жазылған Сатушының деректері дұрыс және нақты.

3.3.2. Сатушының осы Шартты жасасу және орындау, Шарт бойынша міндеттемелерді орындау және осы Шартта көзделген барлық мәмілелерді орындау үшін қажетті құқықтары мен өкілеттіктері бар.

3.3.3. Сатушы осы Шартты лайықты түрде жасасты және оның талаптарына сәйкес ол Сатушының заңды және жарамды міндеттемесін білдіреді.

3.4. Шартты жасасу салдары

Сатушының осы Шартты жасасуы, орындауы, сондай-ақ осы Шартта көзделген мәмілені жасасуы (i) Сатушы ол бойынша жауап беретін кез келген ережені, міндеттемені немесе құжатты бұзбайды немесе бұзбайтын болады; (ii) кез келген шарт бойынша міндеттемелердің орындалуын бұзбайды немесе бұзбайтын болады немесе Сатушы қатысушысы болып табылатын шарттарға сәйкес үшінші тарапқа құқықтар бермейді немесе бермейтін болады (немесе үшінші тараптың келісімін немесе бас тартуын талап етеді).

3.5. Сот дауының болмауы

Сатушы осы Шартта көзделген мәмілелер жасасуға кедергі болатын немесе жасасу мерзімін едәуір кейінге қалдыратын оған қатысты қандай да бір болмасын сот талап-арыздардың немесе оның қатысумен даулардың жоқ екендігін растайды.

3.6. Акциялар

3.6.1. Сатушы Акцияларды лайықты түрде тіркеп, толық төледі.

3.6.2. Сатып алушыға осы Шарт жасалғанға дейін хабарланғанды есептемегенде, Акциялардың қандай да бір болмасын Ауыртпалықтары жоқ. Сатушыдан Акцияларды сатып алуға қандай да бір болмасын басқа да құқықтар, ұйғарымдар, келісімдер, сондай-ақ Сатушының Акцияларды иеліктен шығару құқығына қатысты өзге де осы секілді шектеулер жоқ.

3.6.3. Осы Шартта көзделген барлық Алдын ала талаптарды орындағаннан, Сатып алу бағасын толық көлемде төлегеннен, сондай-ақ Сатып алушының жеке шотына Акциялар есептелгеннен кейін Сатып алушы осы Шартта көзделгендей, Ауыртпалығы мен үшінші тұлғалардың талап-арыздары жоқ Акцияларға меншік құқығын алады.

3.7. Қаржылық орнықтылық

3.7.1. Сатушы банкроттық, тарату, төлем қабілеттігінің болмауына немесе кез келген түрдегі оңалту рәсіміне немесе осы секілді рәсімге байланысты акцияларды басқару сатысында емес.

3.7.2. Сатушыға қатысты мораторий, аралық немесе уақытша сот немесе сот тағайындаған тұлға қадағалауы немесе өзге де осы секілді талқылаулар жоқ.

4. САТЫП АЛУШЫНЫҢ РАСТАУЫ МЕН КЕПІЛДІКТЕРІ

4.1. Сатып алушы осы Шартты жасау күніндегі жағдай бойынша және Жабу күніндегі жағдай бойынша жарамды болып табылатын кепілдіктер мен растауды Сатушының пайдасына береді.

4.2. Кепілдіктер бойынша міндеттемелер

4.2.1. Егер мұндай іс-әрекеттер немесе әрекетсіздік Сатып алушының қандай да бір болмасын кепілдігінің немесе растауының бұзылуына әкеп соқса немесе Жабу күніне дейін (қоса есептегенде) қандай да бір болмасын уақытта жаңылыстыратын болса, Сатып алушының кез келген іс-әрекет жасауға немесе жасаудан қалыс қалуға құқығы болмайды.

4.2.2. Сатып алушы Сатып алушының қандай да бір болмасын кепілдігінің немесе растауының бұзылуына әкеп соғатын немесе әкелуі мүмкін немесе Сатып алушының қандай да бір болмасын кепілдігіне немесе растауына сәйкес келмейтін немесе сәйкес келмей қалуы мүмкін кез келген мән-жай туралы барлық мәліметтерді осындай мән-жай туралы Сатып алушыға белгілі болғаннан кейін 3 (үш) Жұмыс күні ішінде Жабу күніне дейін (қоса есептегенде) Сатушыға (оның ішінде оның қызметкерлеріне, кеңесшілері мен өкілдеріне) жазбаша хабарлауға міндетті

4.2.3. Сатып алушының әрбір кепілдігі немесе растауы жеке және дербес болып табылады.

4.2.4. Тараптар Сатып алушының кепілдіктері мен растауын және Сатып алушының оларды беруін осы Шарттың елеулі талаптары, сондай-ақ Сатушы олардан туындай отырып, осы Шарттың өзге де талаптарына және оны жасасуға келіскен Сатып алушының міндеттемелері деп есептейді. Сатып алушының кепілдіктері мен растауы бұзылған жағдайда Сатып алушы Сатушыға ол осындай бұзушылық нәтижесінде немесе оған байланысты көтерген барлық және кез келген залалды өтеуге міндетті

4.3. Тіркеу және лайықты түрде орындау

4.3.1. Сатып алушы [*Сатып алушының инкорпорация-елінің атауы*] заңнамасы бойынша лайықты түрде тіркелген және заңды жұмыс істейтін заңды тұлға болып табылады. Шарттың кіріспесінде жазылған Сатып алушының деректері дұрыс және нақты.

4.3.2. Сатып алушының осы Шартты жасасу және орындау, Шарт бойынша міндеттемелерді орындау және осы Шартта көзделген барлық мәмілелерді орындау үшін қажетті құқықтары мен өкілеттіктері бар.

4.3.3. Жабу күніндегі жағдай бойынша Сатып алушы барлық мемлекеттік мақұлдауды, рұқсаттарды, келісуді, санкцияларды, лицензияларды, сертификаттарды, куәліктерді және осы Шартты жасасу және орындау, Шарт бойынша міндеттемелерді орындау және осы Шартта көзделген барлық мәмілелерді орындау үшін қажетті осы секілді өзге де құжаттарды алды, сондай-ақ хабарламалар жіберді.

4.3.4. Сатып алушы осы Шартты лайықты түрде жасасты және осы Шарттың талаптарына сәйкес ол Сатып алушының заңды, жарамды және мәжбүрлі түрде орындалатын міндеттемесін білдіреді.

4.4. **Шартты жасасу салдары**

Сатып алушының осы Шартты жасасуы, орындауы, сондай-ақ осы Шартта көзделген мәмілені жасасуы (i) Сатып алушы ол бойынша жауап беретін кез келген ережені, міндеттемені немесе қолданылатын заңнамаға сәйкес Сатып алушы үшін заңды тұрғыдан міндетті болатын құжатты бұзбайды немесе бұзбайтын болады; (ii) кез келген шарт бойынша міндеттемелердің орындалуын бұзбайды немесе бұзбайтын болады немесе Сатып алушы қатысушысы болып табылатын шарттарға сәйкес үшінші тарапқа құқықтар бермейді немесе бермейтін болады (немесе үшінші тараптың келісімін немесе бас тартуын талап етеді); (iii) Сатып алушы жарғысының ережелерін бұзбайды.

4.5. **Сот дауының болмауы**

Сатып алушы осы Шартта көзделген мәмілелер жасасуға кедергі болатын немесе жасасу мерзімін едәуір кейінге қалдыратын оған қатысты қандай да бір болмасын сот талап-арыздардың немесе оның қатысумен даулардың жоқ екендігін растайды

4.6. **Қаржылық орнықтылық**

4.6.1. Сатып алушы банкроттық, тарату, төлем қабілеттігінің болмауына немесе кез келген түрдегі оңалту рәсіміне немесе осы секілді рәсімге байланысты акцияларды басқару сатысында емес.

4.6.2. Сатып алушыға қатысты мораторий, аралық немесе уақытша сот немесе сот тағайындаған тұлға қадағалауы немесе өзге де осы секілді талқылаулар жоқ.

4.6.3. Жабу күніне қарай Сатып алушы Сатып алу бағасын төлеу міндеттемесін орындауға арналған ақшалай қаражатының жеткілікті болуын қамтамасыз етеді.

4.7. **Акцияларды сатудың ерекше шарттары**

Сатып алушы төменде жазылған ерекше шарттардың мүлтіксіз орындалуын қамтамасыз етуге міндеттенеді:

4.7.1. Осы Шартқа қол қойылған күннен бастап 2 жыл ішінде Компания қызметінің бейінін сақтау;

4.7.2. Қызметтерді көрсету туралы қолданыстағы ұзақ мерзімді және қысқа мерзімді шарттар бойынша міндеттемелерді орындау;

4.7.3. Осы Шартқа қол қойылған күннен бастап 2 жыл ішінде Компания персоналының ағымдағы штат санын азайтпау;

4.7.4. Осы Шартқа қол қойылған күннен бастап 2 жыл ішінде Компания қызметкерлері жалақысының ағымдағы деңгейін азайту жағына өзгертпеу.

4.8. 4.7-тармақта аталған ерекше жағдайлардың орындалуына қарай, Сатып алушы 2 жыл ішінде тоқсанына бір рет бизнесті дамыту жөніндегі ақпаратты Сатушыға жіберуге міндеттенеді.

4.9. **Сатып алушы беретін өзге де кепілдіктер мен куәландыру**

4.9.1. Осымен Сатып алушы ол сауда-саттыққа қатысу барысында берген барлық мәліметтер толық, нақты және дұрыс екендігіне кепілдік береді.

5. АЛДЫН АЛА ТАЛАПТАР

Сатып алушы Жабу күніне дейін:

- 5.1. Қазақстан Республикасының заңнамасында көзделген жағдайларда барлық мемлекеттік мақұлдауды, рұқсаттарды, келісуді, санкцияларды, лицензияларды, сертификаттарды, куәліктерді және осы Шартты жасасу және орындау, Шарт бойынша міндеттемелерді орындау және осы Шартта көзделген барлық мәмілелерді орындау үшін қажетті осы секілді өзге де құжаттарды алуға, сондай-ақ хабарламалар жіберуге міндеттенеді.
- 5.2. 5-тармақтың 5.1-тармақшасында көзделген, Алдын ала шарттардың орындалғанын растайтын құжаттарды Сатушыға беруге міндеттенеді.

Сатушы Жабу күніне дейін:

- 5.3. Қазақстан Республикасының заңнамасында көзделген жағдайларда барлық мемлекеттік мақұлдауды, рұқсаттарды, келісуді, санкцияларды, лицензияларды, сертификаттарды, куәліктерді және осы Шартты жасасу және орындау, Шарт бойынша міндеттемелерді орындау және осы Шартта көзделген барлық мәмілелерді орындау үшін қажетті осы секілді өзге де құжаттарды алуға, сондай-ақ хабарламалар жіберуге міндеттенеді.
- 5.4. 5-тармақтың 5.3-тармақшасында көзделген, Алдын ала шарттардың орындалғанын растайтын құжаттарды Сатушыға беруге міндеттенеді.
- 5.5. Тараптар Жабу күніне дейін бірлесіп мынадай шарттардың орындалуын қамтамасыз етуге міндеттенеді:
 - 5.5.1. Осы Шарттың ажырамас бөлігі болып табылатын №1 қосымшаға сәйкес Сатып алушы, Сатушы мен Компания арасында ерекше талаптардың орындалуын қамтамасыз ету туралы шарттың жасалуын қамтамасыз ету;
 - 5.5.2. Осы Шарттың ажырамас бөлігі болып табылатын №2 қосымшаға сәйкес Ерекше талаптардың орындалуын қамтамасыз ету туралы шарттың орындалуын қамтамасыз ету үшін Сатушының пайдасына Акцияларды кепілге салу шартының жасалуын қамтамасыз ету.
- 5.6. Тараптар бір-біріне осы Шартта жазылған Алдын ала талаптарды орындауға кез келген ақылға қонымды жәрдем көрсетуге, оның ішінде барлық қажетті құжаттар мен материалдарды беруге міндеттенеді. Осы тармақта аталған жәрдем ешқандай жағдайда қандай да бір болмасын Тарапқа кез келген нысанда қаржылай немесе материалдық көмек көрсету міндеттемесін білдірмейді.
- 5.7. Тараптар өзара келісім бойынша осы Шартта аталған кез келген Алдын ала талапты орындау қажеттілігінен бас тартуға құқылы.

6. ТАРАПТАРДЫҢ МІНДЕТТЕМЕЛЕРІ.

6.1. Сатушының міндеттемелері:

- 6.1.1. Сатып алу бағасы төленгеннен кейін 2 (екі) жұмыс күні ішінде Акцияларды жеке шоттан есептен шығару туралы бұйрық беру;

- 6.1.2. «Бағалы қағаздарды бірыңғай тіркеуші» АҚ-тан Акцияларды жеке шоттан есептен шығару/есепке алу туралы есеп алу;
- 6.1.3. Осы Шартта көзделген міндеттемелерін лайықты түрде орындау;
- 6.2. **Сатып алушының міндеттемелері:**
 - 6.2.1. Сатып алу бағасы төленгеннен кейін 2 (екі) жұмыс күні ішінде Акцияларды жеке шотқа есептеу туралы бұйрық беру;
 - 6.2.2. «Бағалы қағаздарды бірыңғай тіркеуші» АҚ-тан Акцияларды жеке шоттан есептен шығару/есепке алу туралы есеп алу;
 - 6.2.3. Осы Шартта көзделген міндеттемелерін лайықты түрде орындау.

7. ЖАБУ ЖӘНЕ ЖАБУДАН КЕЙІНГІ ІС-ӘРЕКЕТ

7.1. Жабу

Мәмілені жабу осы Шартта белгіленген тәртіппен жүзеге асырылады.

7.2. Жабу бойынша іс-әрекеттер

- 7.2.1. Сатып алушының Сатып алу бағасын төлеуі;
- 7.2.2. Сатушының жеке шотынан Акцияларды есептен шығару және Сатып алушының жеке шотына Акцияларды есептеу;
- 7.2.3. «Бағалы қағаздарды бірыңғай тіркеуші» АҚ-тан Акцияларды жеке шоттан есептен шығару/есепке алу туралы есеп алу.

7.3. Сатып алушының Жабудан кейінгі іс-әрекеттері

- 7.3.1. 4.7-тармақта көзделген ерекше талаптардың орындалуын қамтамасыз ету;
- 7.3.2. Тараптар Жабу бойынша іс-әрекеттерді орындағаннан кейін 5 (бес) Жұмыс күні ішінде Сатып алушы Қазақстан Республикасының заңнамасында көзделген тәртіппен осы Шартқа сәйкес жасалған Акцияларды кепілге салу шартын тіркеуді қамтамасыз етуге міндеттенеді.

8. ШАРТТЫ ТОҚТАТУ

- 8.1. Бір Тараптың талап етуі бойынша осы Шарт Қазақстан Республикасының заңнамасында белгіленген негіздер бойынша және тәртіппен соттың шешімімен өзгертілуі немесе бұзылуы мүмкін.
- 8.2. Сатушы төмендегі жағдайларда кез келген уақытта біржақты тәртіппен осы Шартты бұзуға құқылы:
 - 8.2.1. Егер осы Шарт жасалған күннен бастап 90 күнтізбелік күн ішінде Сатушының кінәсынан емес болған Алдын ала талаптардың орындалмауына орай Жабу жүргізілмегенде;
 - 8.2.2. Сатып алушы осы Шарттың ережелерін бұзғанда;

- 8.3. 8.2-тармақта көзделген жағдайда осы Шарт Сатушының тиісті хабарландыруында көрсетілген, бірақ ол Сатып алушыға жіберілген күннен кейінгі күннен бастап бұзылды деп есептеледі.
- 8.4. Осы Шартта көзделген жағдайларды есептегенде, осы Шарттың талаптарын орындаудан біржақты бас тартуға жол берілмейді.

9. ТАРАПТАРДЫҢ ЖАУАПКЕРШІЛІГІ

- 9.1. Тараптар осы Шартты лайықты түрде орындамағаны немесе орындамағаны үшін Тараптар Қазақстан Республикасының заңнамасына және осы Шартқа сәйкес жауап береді.
- 9.1.1. Сатып алу бағасын төлеу кейінге қалдырылған жағдайда Сатушы Сатып алушының талап етуі бойынша әрбір кейінге қалдырылған күн үшін Сатып алу бағасының *0,1 (ноль бүтін оннан бір) процент* мөлшеріндегі тұрақсыздық айыбын төлейді.

10. ЖАУАПКЕРШІЛІКТІ ШЕКТЕУ

10.1. Жойқын күш жағдайы (форс-мажорлық жағдай)

- 10.1.1. Бір Тараптар басқа Тарапқа осы Шарт бойынша міндеттерлерді орындауға кедергі болған жойқын күш жағдайының (форс-мажорлық жағдайдың) туындағаны туралы осындай жағдай туындаған сәттен бастап 5 (бес) күнтізбелік күннен кешіктірмей хабарлауға міндетті. Бұл ретте, осы Шарт бойынша міндеттемелерді орындау мерзімі осындай жағдай болатын уақытқа тепе-тең уақытқа ауысады.
- 10.1.2. Уәкілетті органдар және/немесе ұйымдар форс-мажорлық жағдайдың туындау фактісін құжаттамалық растауы тиіс.
- 10.1.3. Форс-мажорлық жағдайларға жер сілкінісі, су тасқыны, дауыл, өрт және басқа да жойқын күш, технологиялық катастрофалар, эпидемиялар, әскери іс-әрекеттер, төтенше жағдай, мемлекеттік органдар қабылдайтын шешімдер және Тараптардың ақылға қонымды бақылауы шегінен тыс және ақылға қонымды және адал іс-қимыл жасайтын Тараптар көздей алмайтын өзге де жағдайлар жатады.
- 10.1.4. Тараптардың, олардың қызметкерлерінің және/немесе үлестес тұлғаларының қасақана және/немесе кінәлі іс-әрекеттерінен және/немесе әрекетсіздігінен туындаған жағдайлар ешқандай жағдайда форс-мажорлық жағдай болып табылмайды.
- 10.1.5. Егер форс-мажорлық жағдай 2 (екі) кезекті ай ішінде міндеттемелердің орындалуына кедергі болса, Тараптар осы Шарттың талаптарын өзгертуге және/немесе толықтыруға немесе Тараптардың өзара келісімі бойынша Шарттың қолданылуын тоқтатуға қатысты келіссөздер бастауы тиіс.

10.2. Сатып алушының жауапкершілігін шектеу

- 10.2.1. Егер бір оқиғаға қатысты Сатып алушының осы Шарттың әр түрлі ережелері бойынша қандай да бір болмасын залалдың, шығындар мен шығыстардың өтелуін талап етуге негізі болса, осындай залалды, шығындарды немесе шығыстарды өтеу кезінде, осындай залалды, шығындарды немесе шығыстарды өтеуді талап ету негізі осы Шарттың кем дегенде бір ережесінен туындайтынына қарамастан, Тараптар

Сатып алушының бір оқиға бойынша өтеуді бір реттен артық талап етуге құқығы жоқ екендігіне келісетінін және оны түсінетінін растайды.

10.3. Сатушының жауапкершілігін шектеу

10.3.1. Сатушының Сатып алушы Шартқа сәйкес қоятын қандай да бір болмасын талабына немесе талаптарына қатысты жауапкершілігі іс жүзіндегі шығындармен шектеледі. Сатушы Сатып алушының өндірістегі шығындары, жіберілген пайдасы, жіберілген кірісі немесе өзге де жанама залалдары үшін жауап бермейді.

11. ӨЗГЕ ДЕ ЕРЕЖЕЛЕР

11.1. Шығыстар

Осы Шартта көзделген міндеттемелердің орындалуына қарамастан және егер осы Шартта өзгелері тікелей ескерілмесе, Сатып алушы мен Сатушы өздерінің шығындары мен шығыстарын, қызметтердің құнын, сондай-ақ өз заңгерлері, бағалаушылары, аудиторлары мен басқа да қызмет көрсетушілері осы Шартта көзделген мәмілелерге байланысты көтерген шығыстарын дербес төлейді.

11.2. Қолданылатын құқық және дауларды шешу

Осы Шарт Қазақстан Республикасының заңнамасына сәйкес реттеледі және пайымдалады. Осы Шарттан немесе оған байланысты, оның ішінде оған қоюға, оны орындауға, бұзуға, тоқтатуға немесе жарамсыз деп тануға қатысты барлық даулар, келіспеушіліктер немесе наразылықтар Астана қаласының Мамандандырылған ауданаралық экономикалық сотының қарауына беруге жатады.

11.3. Өзгерістер мен толықтырулар

Осы Шартқа өзгерістер және/немесе толықтырулар осы Шарт жасалған және Тараптардың уәкілетті өкілдері тиісті түрде қол қойған нысанда жасалуы тиіс.

11.4. Міндетті күші

Осы Шарттың барлық талаптары мен ережелері Тараптардың, сондай-ақ олардың тиісті құқықтық мирасқорларының орындауы үшін міндетті болып табылады. Осымен Тараптар әрбір Тарап басқа Тараптың осы Шарттың мәтінінде қамтылған кепілдіктеріне және растауына сүйене отырып, осы Шартты жасайтынын жалпы түсінетінін растайды.

11.5. Беру

Бірде-бір Тараптың осы Шарт бойынша құқықтары мен міндеттемелерін басқа Тараптың алдын ала жазбаша келісімінсіз үшінші Тұлғаға толық немесе ішінара беруге құқығы жоқ.

11.6. Бөлінгіштік

Егер осы Шарттың қандай да бір болмасын ережесінің қолданыстағы заңнамаға сәйкес орындалуы мүмкін болмаса немесе олар жарамсыз болса, осындай ереженің күші ол қолданыла алмайтын немесе жарамсыз болатын шамада ғана жойылады. Осы Шарттың қалған ережелері толық шамада қолданылады.

Осы Шарттың қандай да бір болмасын ережесі жарамсыз болып танылған жағдайда Тараптар барлық мүмкін күш-жігерін салады, оның ішінде Тараптардың осы Шарт бойынша бастапқы уағдаластықтарына барынша мүмкін дәрежеде қол жеткізу үшін осы Шартқа кез келген қажетті өзгерістерге және/немесе толықтыруларға қол қояды.

11.7. **Шарттың даналары**

Осы Шарт заңдық күші бірдей, екі дана Сатушыға және бір дана Сатып алушыға арналған үш данада жасалды және оларға қол қойылды.

11.8. **Тілі**

Осы Шарт және оған енгізілетін кез келген өзгерістер немесе толықтырулар қазақ және орыс тілдерінде жасалады. Қазақ және орыс тілдеріндегі мәтіндерде қарама-қайшылықтар туындаған жағдайда орыс тіліндегі мәтіннің күші басым болады.

11.9. **Құпиялылық**

11.9.1. Сатып алушының, осы Шартты орындау мақсатынан басқа, Сатып алушының саудасаттыққа қатысуына және/немесе осы Шартты жасасуына және/немесе орындауына байланысты алатын немесе алған Сатушыға және/немесе Компанияға қатысы бар кез келген ақпаратты және/немесе құжаттаманы бірде-бір Тұлғаға ашуға немесе пайдалануға құқығы жоқ.

11.9.2. Сатушының қандай да бір болмасын Тұлғаға Сатушы Сатып алушы құпиялы ақпарат деп белгілеген, Сатып алушыдан оның осы Шартты жасасуға және/немесе орындауға байланысты жоспарларына және/немесе қызметіне қатысты алатын мәліметтерді ашуға құқығы жоқ.

11.9.3. Осы Шарттың 11.9.1 және 11.9.2-тармақшаларының ережелері мынадай жағдайларда қолданылмайды:

11.9.3.1. тиісті Тараптың алдын ала анық жазбаша келісімі алынған жағдайда,

11.9.3.2. бұл қолданыстағы заңнамаға, бухгалтерлік есептіліктің қолданыстағы қағидаларына сәйкес немесе тиісті заңдық иелік сотының тиісті шешім қабылдауына байланысты немесе құзыретті органның талап етуі бойынша талап етілген жағдайда;

11.9.3.3. осы Шартта тікелей рұқсат етілген жағдайларда.

11.9.4. Осы 11.9-тармақтың ережелері:

11.9.4.1. оларды пайдалану немесе жария ету уақытына қарай көпшілікке белгілі болған;

11.9.4.2. көпшілікке белгілі болған (оларды рұқсатсыз жария ету немесе қолдану жолынан басқа); немесе

11.9.4.3. осындай мәліметтерді заңды алған және осындай мәліметтерді үшінші Тұлғаларға тарату немесе пайдалану құқығы бар Тұлға Тарапқа берген мәліметтерге қолданылмайды.

11.9.5. Тараптар өздерінің тиісті кеңесшілерінің, бухгалтерлерінің, консультанттарының, қызметкерлерінің, агенттері мен өкілдерінің осы Шарттың ережелерін ескеріп, олар алған мәліметтердің құпиялылығын сақтап, оларды, осы Шартты орындауды есептемегенде, қандай да бір болмасын өзге мақсаттарда қолданбауы үшін оларға қол жетімді шараларды қолданады.

- 11.9.6. Мәліметтерді бергенге дейін тиісті Тарап осындай әрбір Тұлғамен құпиялылық туралы келісімнің жасалуын қамтамасыз етеді. Осындай құпиялылық туралы келісімде осы Шарттың ережелеріне сәйкес келетін талаптар көзделуі тиіс.
- 11.9.7. Осы Шарттың қолданылуы тоқтатылған жағдайда әрбір Тарап бұрын иелігінде немесе бақылауда болған және ол басқа Тараптан алған мәліметтерді қамтитын барлық құжаттаманы басқа Тарапқа қайтарады.
- 11.9.8. Сатып алушы Сатушының «Самұрық-Қазына» АҚ-қа Шарт бойынша ақпаратты ашуына, оның ішінде, бірақ олармен ғана шектелмей, деректемелер мен төлемнің егжей-тегжейі туралы ақпаратты Сатушыға қызмет көрсететін банк-контрагенттерге байланыс арналарының талап етілетін хаттамаларын пайдаланып, «Самұрық-Қазына» АҚ-тың ақпараттық-талдамалық жүйесіне деректер берудің қорғалған арнасы арқылы төлемдерді жіберу арқылы жария етуіне құқығы бар екендігіне келіседі.

11.10. Құпиялылық кезеңі

Тараптардың осы Шарттың 11.9-тармағында жазылған құпиялылық туралы ережелерді сақтауы бойынша міндеттемелерінің күші осы Шарттың қолданылуы тоқтатылғаннан кейін 5 жыл ішінде сақталады.

11.11. Біртұтастық

Осы Шарт, сондай-ақ оған қосымшалар Тараптардың біртұтас және бірыңғай келісімін білдіреді. Тараптардың барлық ауызша және жазбаша уағдаластықтарының, хат алмасуының, келіссөздердің нәтижелері туралы хаттамалары мен тараптар осы Шарттың және Шартқа қосымшалардың мәніне қатысты қол қойған өзге де құжаттарының күші осы Шарт пен оған қосымшаларға қол қойылған сәттен бастап жойылады.

Осы тармақтың ережелері сауда-саттықты өткізу және оларға дайындалу барысында жасалған өтініштерге, өтінімдерге, ұсыныстарға, хаттамалар мен өзге де құжаттарға қолданылмайды.

11.12. Хабарландырулар

Осы Шарт бойынша барлық хабарландырулар мен өзге де хат-хабар қазақ және орыс тілдерінде жазбаша нысанда орындалуы тиіс және (берудің өзге де тәсіліне жазбаша нұсқау болмағанда немесе алатын Тарап қабылдаған өзге де тәсіл болмағанда): (i) қолдан-қолға беру кезінде, оның ішінде авиапочтамен жедел курьерлік қызметпен жіберілгенде; немесе (ii) егер почталық қызметке берілсе, тапсыру туралы хабарландыру туралы талаппен куәландырылғанда немесе тіркелсе және почталық шығыстар алдын ала толық төленсе, Тараптың негізгі мекенжайына жіберілсе, тапсыру туралы кез келген хабарландыруда көрсетілген алу күні жарамды және күші бар деп есептеледі.

Жеткізу орнындағы жұмыс уақытының әдеттегі сағаттарынан кейін алынған кез келген хабарландыру келесі Жұмыс күні басталғанға дейін жеткізілді деп есептелмейді.

Егер хабарландыру арқылы өзгелері көрсетілмесе, осы Шарт бойынша кез келген хабарландырулар мен хабарламаларды жіберу үшін 11.14-тармақта көрсетілген мекенжайлар қолданылуы тиіс.

11.13. Шарттың қолданылу мерзімі

Осы Шарт Сатып алушы монополияға қарсы органның келісімін алған күннен бастап күшіне енеді және Тараптар осы Шарт бойынша қабылдаған барлық міндеттемелерді толық орындағаннан кейін оның қолданылуы тоқтатылады.

11.14. Тараптардың деректемелері

Сатушы

КЗТ есептеу үшін деректемелер

Бенефициар:

«ҚазМұнайГаз» ҰК АҚ

СТН 620 100 210 025

БСН 020240000555

Кбе 16,

Бенефициардың мекенжайы:

010000, Астана қ.,

Қабанбай батыр д-лы, 19

КЗТ шотының нөмірі:

KZ356010111000002033

Бенефициар банкінің БСК/SWIFT:

HSBKKZKX

Бенефициар банкінің атауы:

«Қазақстан халық банкі» АҚ

М.О.

Сатып алушы

[Сатып алушының деректемелері]

Сатып алушының атынан

Сатушының атынан

Қолы: _____

Қолы: _____

Атауы: *[Сатып алушының (өкілінің) аты-жөні]*

Атауы: *[Сатушы өкілінің аты-жөні]*

«ҚазМұнайГаз» ҰК АҚ пен [Сатып алушының атауы]
«Қазақ мұнай және газ институты» акционерлік қоғамының
100% акциялар пакетін сатып алу-сату шартына
№1 қосымша

**«Қазақ мұнай және газ институты» акционерлік қоғамының
100% акциялар пакетін сатып алудың ерекше талаптарының
орындалуын қамтамасыз ету туралы шарт**

Осы «Қазақ мұнай және газ институты» акционерлік қоғамының 100% акциялар пакетін сатып алудың ерекше талаптарының орындалуын қамтамасыз ету туралы шарт (бұдан әрі – «Шарт») 2014 жылғы [●]:

- (1) Қазақстан Республикасының заңнамасы бойынша құрылған, осы Шартта көрсетілген мекенжайда орналасқан, [Жарғының] негізінде іс-қимыл жасайтын [лауазымын көрсету] [атын көрсету] тұлғасында заңды тұлға «ҚазМұнайГаз» ұлттық компаниясы» акционерлік қоғамы (бұдан әрі – «Сатушы»); және
- (2) [●] заңнамасы бойынша құрылған, осы Шартта көрсетілген мекенжайда орналасқан, [Жарғының] негізінде іс-қимыл жасайтын [лауазымын көрсету] [атын көрсету] тұлғасында заңды тұлға [Сатып алушының атауы] (бұдан әрі – «Сатып алушы»);
- (3) Қазақстан Республикасының заңнамасы бойынша құрылған, осы Шартта көрсетілген мекенжайда орналасқан, [Жарғының] негізінде іс-қимыл жасайтын [лауазымын көрсету] [атын көрсету] тұлғасында заңды тұлға «Қазақ мұнай және газ институты» акционерлік қоғамы (бұдан әрі – «Компания») арасында жасалды,

бұдан әрі «Тараптар», ал жеке-жеке «Тарап» немесе жоғарыда көрсетілгендей аталатын Сатып алушы, Сатушы мен Компания

Сатып алушы мен Сатушы арасындағы 2014 жылғы [●] жасалған «Қазақ мұнай және газ институты» акционерлік қоғамының 100% акциялар пакетін сатып алу-сату шартын (бұдан әрі – «Сатып алу-сату шарты») орындау мақсатында

төмендегілер туралы осы Шарт жасасты.

1. Осы Шарт Сатып алушының Сатып алу-сату шартта көзделген «Қазақ мұнай және газ институты» акционерлік қоғамының 100% акциялар пакетін (бұдан әрі – Акциялар) сатып алудың ерекше талаптарын (бұдан әрі – Ерекше талаптар) орындауын қамтамасыз етуге бағытталған.
2. Кейбір ерекше талаптарды Сатып алушының өзі емес, Компания жеке заңды тұлға (азаматтық-құқықтық және еңбек қатынастар субъектісі) ретінде орындауы тиіс екендігі туралы фактіні назарға ала отырып, Сатып алушы қолданылатын заңнама мен Компанияның құрылтайшы құжаттарының шеңберінде Компанияның жоғары басқару органының Компанияның, сондай-ақ оның органдарының (лауазымды тұлғаларының) Ерекше талаптарды орындауын және мүлтіксіз сақтауын қамтамасыз етуге бағытталған шешімдердің қабылдауын қамтамасыз етуге міндеттенеді.
3. Осымен Сатып алушы мен Компания төменде аталғаннан туындай отырып, Ерекше талаптарды мүлтіксіз орындауға және олардың лайықты түрде орындалуын қамтамасыз етуге міндеттенеді:

- 3.1. тиісті Ерекше талаптың өзіне белгілі бір іс-әрекеттерді орындау (жүзеге асыру) міндетін қамтуына қарай, Сатып алушы және/немесе Компания осындай іс-әрекеттерді орындауға (жүзеге асыруға) міндетті;
- 3.2. тиісті Ерекше талаптың өзіне белгілі бір іс-әрекеттерді орындаудан (жүзеге асырудан) қалыс қалу міндетін қамтуына қарай, Сатып алушы және/немесе Компания осындай іс-әрекеттерді орындаудан (жүзеге асырудан) қалыс қалуға міндетті;
- 3.3. тиісті Ерекше талаптың өзі белгілі бір нәтижеге қол жеткізу міндетін қамтуына қарай, Сатып алушы және/немесе Компания осындай нәтижеге қол жеткізуге міндетті;
- 3.4. тиісті Ерекше талаптың қандай да бір болмасын іс-әрекеттерді орындау (жүзеге асыру) кезінде барынша мүмкін күш-жігер салу міндетін қаншалықты білдіретініне қарай, Сатып алушы және/немесе Компания өздері секілді тұлға осындай жағдайда қабылдайтын ақылға қонымды және адал шараларды қабылдауға міндетті.
4. Сатып алушы және/немесе Компания қандай да бір болмасын Ерекше талаптың лайықты түрде орындалмау немесе орындалмау кез келген және әрбір фактісі туралы және олардың орындалмау немесе лайықты түрде орындалмау қауіпі туралы факт немесе қауіп туындаған сәттен бастап 5 жұмыс күні ішінде Сатушыға хабарлауға міндеттенеді.

Сатып алушы және/немесе Компания қалыптасқан жағдайды ескере отырып, жоғарыда аталған жағдайлардың басталуын болдырмау үшін қажетті іс-әрекеттерді, ал олардың болдырмау объективті мүмкін болмағанда – барынша қысқа мерзімде аталған жағдайларды жою үшін қажетті іс-әрекеттерді қабылдауға міндетті.

5. Компания мен Сатып алушының осы Шарттың талаптарын лайықты түрде орындауын қамтамасыз ету үшін Сатып алушы осы Шартқа қол қойылған күні Сатып алушыға Акцияларды осы Шартқа қол қойылған күннен бастап 2 жылға кепілге беруге міндеттенеді.
6. Сатып алушы және/немесе Компания Ерекше талаптарды немесе осы Шарттың талаптарын лайықты түрде орындамаған немесе орындамаған жағдайда Сатушы төменде көрсетілген айыппұлды (айыппұл тұрақсыздық айыбын) есептеуге және талап етуге, ал Сатып алушы тиісті талап (шот) келіп түскен сәттен бастап 5 (бес) жұмыс күнінен кешіктірмей төлеуге міндеттенеді:
 - 6.1. Шартта аталған 2 жыл ішінде Компания персоналының ағымдағы штат санын азайтпауды көздейтін Ерекше талапқа қатысты:
 - Талап орындалмаған жағдайда Сатып алушы Сатушыға Сатып алу-сату шартында белгіленген сатып алу бағасынан 5% мөлшеріндегі айыппұлды төлеуге (бұдан әрі – Сатып алу бағасы) міндетті.
 - 6.2. Сатып алу-сату шартында аталған «Қызметтерді көрсету туралы қолданыстағы ұзақ мерзімді және қысқа мерзімді шарттар бойынша міндеттемелерді орындауды» көздейтін Ерекше талапқа қатысты:
 - Талап орындалмаған жағдайда Сатып алушы Сатушыға Сатып алу бағасынан 0,1% мөлшеріндегі айыппұлды төлеуге міндетті.
 - 6.3. Сатып алу-сату шартында аталған «Сатып алу-сату шартына қол қойылған күннен бастап 2 жыл ішінде Компания персоналының ағымдағы штат санын азайтпауды» көздейтін Ерекше талапқа қатысты:

- Талап орындалмаған жағдайда Сатып алушы Сатушыға Сатып алу бағасынан 0,1% мөлшеріндегі айыппұлды, сондай-ақ Компания персоналының ағымдағы штат санының өзгерген әрбір 1% үшін 0,05% айыппұлды төлеуге міндетті.
- 6.4. Сатып алу-сату шартында аталған «Осы Шартқа қол қойылған күннен бастап 2 жыл ішінде Компания қызметкерлері жалақысының ағымдағы деңгейін азайту жағына өзгертпеуді» көздейтін Ерекше талапқа қатысты:
- Талап орындалмаған жағдайда Сатып алушы Сатушыға Сатып алу бағасынан 5% мөлшеріндегі айыппұлды төлеуге міндетті.
7. Сатып алушы мен Компания Ерекше талаптардың немесе осы Шарт бойынша өзге де міндеттемелердің олардың ақылға қонымды бақылауынан тыс себептер, оның ішінде, бірақ олармен ғана шектелмей, табиғи құбылыстар, өрт, эпидемия, үкіметтік шектеулер, соғыстар, көтерілістер, жер сілкінісі, дауыл мен су тасқыны (бұдан әрі – «**Форс-мажор**») нәтижесінде орындалмауы немесе лайықты түрде орындалмауы үшін жауап бермейді.
Тараптардың, олардың қызметкерлерінің және/немесе үлестес тұлғаларының іс-әрекеттерінің немесе әрекетсіздігінің салдары болып табылатын оқиғалар (іс-әрекеттер) еш жағдайда форс-мажор болып есептелмейді.
8. Осы Шарт Тараптардың уәкілетті өкілдері оған қол қойған сәттен бастап күшіне енеді және Тараптар өздеріне алған барлық міндеттемелерді лайықты түрде орындаған сәтке дейін қолданылады.
9. Тараптың осы Шартты және/немесе өзіне алған кез келген міндеттемені орындаудан біржақты бас тартуына жол берілмейді.
10. Осы Шарт бірдей заңдық күші бар қазақ және орыс тілдеріндегі үш данада, әрбір Тарап үшін бір-бір данадан жасалды және оларға қол қойылды.
11. Шарттан бойынша міндеттемелерді орындау процесінде туындайтын даулар мен келіспеушіліктер Тараптар арасындағы келіссөздер арқылы, ал келісімге қол жеткізілмеген жағдайда – Астана қаласының Мамандандырылған ауданаралық экономикалық сотында (шарттық соттылық) қаралады.
12. Осы Шарт міндетті болып табылады және Тараптар мен олардың тиісті құқықтық мирасқорларының және заңды цессионарийлерінің мүдделерінде қолданылады.
13. Басқа Тараптардың алдын ала жазбаша келісімінсіз бірде-бір Тараптың осы Шарт бойынша құқықтары мен міндеттемелерін қандай да бір болмасын үшінші тарапқа беруге немесе өзге түрде иеліктен шығаруға құқығы жоқ.
14. Осы Шарттың қандай да бір болмасын ережесі қандай да бір болмасын себептер бойынша немесе сот органдарының шешімі бойынша жарамсыз, заңсыз немесе орындалмайтындай болса, осы Шарттың қалған талаптары мен ережелерінің қолданылуы және заңдық күші сақталады.
- Егер қандай да бір болмасын талап немесе ереже жарамсыз, заңсыз немесе мәжбүрлі түрде орындалмайтындай болса, Тараптар Тараптардың осы Шарт бойынша бастапқы уағдаластықтарға барынша мүмкін дәрежеде қол жеткізу мақсатында осы Шартқа өзгерістер мен толықтырулар енгізуді адал келіседі.

15. Тараптардың деректемелері мен қолдары:

Сатып алушы

Сатушы

КЗТ есептеу үшін деректемелер

Бенефициар:

«ҚазМұнайГаз» ҰК АҚ

СТН 620 100 210 025

БСН 020240000555

Кбе 16,

Бенефициардың мекенжайы:

010000, Астана қ.,

Қабанбай батыр д-лы, 19

КЗТ шотының нөмірі:

KZ356010111000002033

Бенефициар банкінің БСК/SWIFT:

HSBKKZKX

Бенефициар банкінің атауы:

«Қазақстан халық банкі» АҚ

М.О.

«ҚазМұнайГаз» ҰК АҚ пен [Сатып алушының атауы]
«Қазақ мұнай және газ институты» акционерлік қоғамының
100% акциялар пакетін сатып алу-сату шартына
№2 қосымша

**«Қазақ мұнай және газ институты» акционерлік қоғамының
100% акциялар пакетін кепілге беру шарты**

Осы «Қазақ мұнай және газ институты» акционерлік қоғамының 100% акциялар пакетін кепілге беру шарты (бұдан әрі – «Шарт») 2014 жылғы [●]:

- (1) Қазақстан Республикасының заңнамасы бойынша құрылған, осы Шартта көрсетілген мекенжайда орналасқан, [Жарғының] негізінде іс-қимыл жасайтын [лауазымын көрсету] [атын көрсету] тұлғасында заңды тұлға «ҚазМұнайГаз» ұлттық компаниясы» акционерлік қоғамы (бұдан әрі – «Кепіл ұстаушы»); және
- (2) [●] заңнамасы бойынша құрылған, осы Шартта көрсетілген мекенжайда орналасқан, [Жарғының] негізінде іс-қимыл жасайтын [лауазымын көрсету] [атын көрсету] тұлғасында заңды тұлға [Сатып алушының атауы] (бұдан әрі – «Кепіл беруші») арасында жасалды және

бұдан әрі Кепіл ұстаушы және Кепіл беруші бірлесіп «Тараптар», ал жеке-жеке «Тарап» немесе жоғарыда көрсетілгендей аталады,

Кепіл ұстаушысы мен Кепіл берушісі арасында 2014 жылғы [●] «Қазақ мұнай және газ институты» акционерлік қоғамының 100% акциялар пакетін сатып алу-сату шартының (бұдан әрі – Сатып алу-сату шарты) жасалуын, Сатып алу-сату шартында көзделген активті (объектіні) сатудың ерекше талаптарын мүлтіксіз және лайықты түрде орындау қажеттілігін,

Кепіл ұстаушысы мен Кепіл берушісі арасында 2014 жылғы [●] жасалған «Қазақ мұнай және газ институты» акционерлік қоғамының 100% акциялар пакетін сатып алудың ерекше талаптарының орындалуын қамтамасыз ету туралы шартта (бұдан әрі – Қамтамасыз ету туралы шарт) көзделген айыппұлдардың уақытылы және тиісті түрде төленуін қамтамасыз ету қажеттілігін назарға ала отырып,

Тараптар төмендегілер туралы осы Кепілге беру шартын жасасты.

1. Кепіл беруші Қамтамасыз ету туралы шарттың талаптарына сәйкес Кепіл берушінің және Компанияның барлық және әрбір міндеттемесінің уақытылы және лайықты түрде орындалуын қамтамасыз ету үшін Кепіл ұстаушыға «Қазақ мұнай және газ институты» акционерлік қоғамының 100% акциялар пакетін кепілге береді.
2. Тараптар Сатып алу-сату шартына сәйкес Сатып алу бағасының [теңге] құрайтынына келіседі және оны мойындайды.
3. Кепіл берушінің Акцияларға меншік құқығы Сатып алу-сату шартымен расталады.
4. Осы Шарт күшіне енгеннен кейін дереу, бірақ 5 (бес) жұмыс күнінен кешіктірмей Кепіл беруші Қазақстан Республикасының заңнамасында белгіленген тәртіппен осы Шартты тіркеуге міндеттенеді.
5. Осы Шарттың қолданылу мерзімінде Кепіл беруші және/немесе Компания Сатып алу-сату шартында және/немесе Қамтамасыз ету туралы шартта көзделген өздерінің кез келген міндеттемесі мен міндетін орындамаса, Кепіл ұстаушы Қазақстан

Республикасының заңнамасына сәйкес соттан тыс тәртіппен сату арқылы Акцияларға иелік етуге, оның ішінде Акцияларды өз меншігіне айналдыруға құқылы.

6. Акциялар Кепіл берушінің иелігінде және пайдалануында қалады. Осы Шарттың қолданылу мерзімінде Акцияларға байланысты дивидендтер және дауыс беру (шешім қабылдау) құқығы Кепіл берушіге тиесілі болады.
7. Кепіл беруші Кепіл ұстаушының алдын ала жазбаша келісімінсіз Акцияларға кез келген құқықты сатпауы, айырбастамауы, иеліктен шығармауы немесе осындай құқықтан бас тартпауы тиіс.
8. Кепіл беруші мен Компания Сатып алу-сату шарты мен Қамтамасыз ету шарты шеңберінде барлық міндеттемелерін орындаған жағдайда Акциялар кепілі толық тоқтатылуы тиіс.
9. Осы Шарт Сатып алу-сату шартының талаптарына сәйкес Акцияларға құқығы тиісті түрде ауысқан сәттен бастап күшіне енеді. Кепіл беруші мен Компания Сатып алу-сату шарты және/немесе Қамтамасыз ету туралы шарт шеңберіндегі барлық тиісті міндеттемелер мен міндеттерді толық көлемде орындағанға дейін Акцияларға қатысты кепіл қолданылуы тиіс.
10. Тараптың осы Шартты және/немесе өзіне алған кез келген міндеттемені орындаудан біржақты бас тартуына болмайды.
11. Осы Шарт бірдей заңды күші бар қазақ және орыс тілдерінде, әр Тарап және тіркеуші орган үшін 1 (бір-бір) данадан 3 (үш) данада жасалды және оларға қол қойылды.
12. Шарт бойынша міндеттемелерді орындау барысында туындайтын даулар мен келіспеушіліктер Тараптар арасындағы келіссөздер арқылы, ал келісімге қол жеткізілмеген жағдайда – Астана қаласының Мамандандырылған ауданаралық экономикалық сотында (шарттық соттылық) қаралады.
13. Осы Шарт міндетті болып табылады және Тараптар мен олардың тиісті құқықтық мирасқорларының және заңды цессионарийлерінің мүдделерінде қолданылады.
14. Басқа Тараптардың алдын ала жазбаша келісімінсіз бірде-бір Тараптың осы Шарт бойынша құқықтары мен міндеттемелерін қандай да бір болмасын үшінші тарапқа беруге немесе өзге түрде иеліктен шығаруға құқығы жоқ.
15. Осы Шарттың қандай да бір болмасын ережесі қандай да бір болмасын себептер бойынша немесе сот органдарының шешімі бойынша жарамсыз, заңсыз немесе орындалмайтындай болса, осы Шарттың қалған талаптары мен ережелерінің қолданылуы және заңдық күші сақталады.
16. Егер қандай да бір болмасын талап немесе ереже жарамсыз, заңсыз немесе мәжбүрлі түрде орындалмайтындай болса, Тараптар Тараптардың осы Шарт бойынша бастапқы уағдаластықтарға барынша мүмкін дәрежеде қол жеткізу мақсатында осы Шартқа өзгерістер мен толықтырулар енгізуді адал келіседі.
17. Тараптардың деректемелері мен қолдары:

Кепіл беруші

Кепіл ұстаушы
КЗТ есептеу үшін деректемелер

Бенефициар:

«ҚазМұнайГаз» ҰК АҚ

СТН 620 100 210 025

БСН 020240000555

Кбе 16,

Бенефициардың мекенжайы:

010000, Астана қ.,

Қабанбай батыр д-лы, 19

КЗТ шотының нөмірі:

KZ356010111000002033

Бенефициар банкінің БСК/SWIFT:

HSBKKZKX

Бенефициар банкінің атауы:

«Қазақстан халық банкі» АҚ

М.О.